

# TEZĂUR LITURGIC

**4 IULIE**

# ACATISTUL SF. ÎMPĂRĂTESE- MUCENIȚE ALEXANDRA TEODOROVNA A RUSIEI II



**MOSCOVA, 2000**



# Акафист

## царице-мученице Александре

### Кондак 1

Избранной от рода державнаго, благоверной царице Александре, яко крепкой заступнице, и всеблагой молитвеннице нашей похвальное принесем пение. Ты же, яко имея ко Всещедрому Богу дерзновение, от всяких зол и бед нас свободи, с любовью зовущих ти: Радуйся, святая новомученице царице Александро, молитвеннице о душах наших.

### Икос 1

Ангелы своя странам и языком предстателие даровавый Бог, посла тя, святая наша мати и царице Александро, в страну Российскую, процвела бо еси в земли сей подвиги твоими, молитвою и кончиною мученическою, и сего ради внити в чертоги Царя Небеснаго сподобилася еси, идеже со ангелы предстоиши престолу Господню и молишися о спасении Руси Святой. Мы же, вся сия славословяще, от сердец наших таковыя похвалы тебе приносим: Радуйся, последовательнице верная распятого Учителя. Радуйся, спощенице усердная ада

Разрушителя.

Радуйся, крест свой любви ради Божия радостно понесшая.

Радуйся, милость в очах Господних преславно обретшая.

Радуйся, за вся благодарити Творца нас наставляющая.

Радуйся, светом Христовым души наша озаряющая.

Радуйся, в добродетели терпения нас утверждающая.

Радуйся, скорби наши в радость претворяющая.

Радуйся, святая новомученице, царице Александро, молитвеннице о душах наших.

## **Кондак 2**

Видя Господь како сердце твое приисполнилось есть любви к царевичу российскому и како ожидание многолетнее с надеждою велиею притерпела еси, благослови тя и благодатию своею в таинстве бракосочетания обильно ты одари. Ты же, радуясь о Господе, милостию Своею ты просветившему, воспела еси Ему: Аллилуиа.

## **Икос 2**

Разумом божественным просвещаемая,  
богомудрая Александро, не убоялася еси  
оставити отечество свое и в державу

российскую вселиться и веру Православную  
всею душею твоею восприяла еси и народ  
русский возлюбила еси любовью истинною. Мы,  
же сему радуясь, ублажаем тя, мати наша и  
царице, сиче:

Радуйся, рода королей выскоименитых отрасли  
благородная.

Радуйся, лозо вертограда Христова благая и  
многоплодная.

Радуйся, гласу Божественныя благодати  
прилежно внимавшая.

Радуйся, издетска к водительство Духа Святаго  
прилежавшая.

Радуйся, от юности твоея разум твой Божию  
премудростью напитавшая.

Радуйся, в земли российской отчизну новую  
обретшая.

Радуйся, именем страстотерпицы во  
православии нареченная.

Радуйся, тоя святому житию усердно  
последовавшая.

Радуйся, святая новомученице, царице  
Алексадро, молитвеннице о душах наших.

### **Кондак 3**

Сила благодати Божией осени тя, благоверная  
Алексадро, егда купно с супругом твоим,  
святым царем Николаем, венчана была еси на  
царствие российское. Тоя же сила Божия, к

милосердию и благочестию осени ты и научи славить Единого Бога Отца и Сына и Святаго Духа и воспевати Ему: Аллилуиа.

### **Икос 3**

Имея ум и сердце Духом Святым озаренная, богоблаженная царице Алексадро, свято и праведно жительствоваала еси в палатех царстих, паче земной славы о горнем мудрствовала еси, богомудрым пастырем кронштадстим, святителем Феофаном Полтавским и иными духоносными наставники руководимая, ко благу и славе Божией житие твое устраяла еси, милосердие бо преславное к народу российскому явила еси. Мы же, ублажающе труды и подвизи твоя, вопием ти сице:

Радуйся, евангельской мудрости вместилище.

Радуйся, Матери Божией чадо верное и возлюбленное.

Радуйся, от сна греховнаго души наши пробуждающая.

Радуйся, ходити в заповедях в Божиих наставляющая.

Радуйся, от похоти себялюбия нас исцеляющая.

Радуйся, к земным богатствам сердцем не прилеплятися научающая.

Радуйся, богатых к милосердию и благотворению подвизающая.

Радуйся, бедным отраду и вспоможение

дарующая.

Радуйся, святая новомученице, царице  
Александро, молитвеннице о душах наших.

#### **Кондак 4**

Буря скорбей и напастей, злобою мира сего  
воздвигаемая не ослаби крепкия любви твоея  
яже к Богу, святая благоверная царице  
Александро, вся бо с верою и надеждою  
претерпела еси, в Бозе токмо отраду и утешение  
обретая и поя Ему: Аллилуиа.

#### **Икос 4**

Слышавше, преславная Александро, о чудесех и  
помощи благодатней, яже получаша  
правоверные христиане по молитвам старца  
Серафима, почала еси молиться Саровскому  
чудотворцу, да дарует ти и супругу твоему сына-  
наследника и сотворит мир державе  
российской. И егда родися царевич Алексей,  
возрадовалася еси зело и возблагодарила еси  
Господа, милость свою паки ти давшего, и  
воспела еси пение благодарственное старцу  
Саровскому. Мы же, вся сия поминающе, зовем  
ти тако:

Радуйся, святого Серафима с любовью  
почитавшая.

Радуйся, милости Божии по молитвам его  
получавшая.

Радуйся, мир Божий в сердца наша  
привносящая.

Радуйся, к небесем умы и сердца наши  
обращающая.

Радуйся, молитве сердечней нас научающая.

Радуйся, тайно творити добродетели нас  
наставляющая.

Радуйся, труды наша на пути спасения  
облегчающая.

Радуйся, милость и утешение всем верным  
являющая.

Радуйся, святая новомученице, царице  
Александро, молитвеннице о душах наших.

### **Кондак 5**

Божественнаго Духа преисполнена была еси,  
святая царице страстотерптице Александро,  
добродетельнаго ради жития твоего: зане  
кротка, чиста сердцем, терпелива,  
непамятозлоблива и вельми милосердна была  
еси, сего ради и Спаситель во чудесех преславно  
тя показа. Мы же, прославляя Бога, тя  
прославльшего, благодарственно вопием Ему:  
Аллилуиа.

### **Икос 5**

Видевше тя верныя чада церкви Христовой, яко  
светило безоблачно сияюща многими  
дарованьми божественными, возрадовахуся

зело. Ты же, царице благочестивая, имуще сердце милостивое и к людем страждующим удобь преклонное, делами милосердия и молитвами горячими послужила еси народу державы твоея. Такожде и сугубое попечение о благолепии церковнем имела еси, вся творяще во славу Божию. Мы же, вся сия ныне поминающе, таковыя похвалы приносим ти: Радуйся, душу ко всем милосердну имевшая. Радуйся, во мнозех благотворениях любовь к людем показавшая.

Радуйся, состраданием скорби бедствующих утolahшая.

Радуйся, нищя питавшая и убогия призиравшая.

Радуйся, сирья и вдовицы заступавшая и всем просящим помощи помогавшая.

Радуйся, и ныне предстательства твоего нас не лишаящая.

Радуйся, молитвами твоими гнев Божий утolahющая.

Радуйся, святая новомученице, царице Александро, молитвеннице о душах наших.

### **Кондак 6**

Проповедают о богоугодном житии твоём, святая мати наша Александро, в супружестве и царствовании, добродетели твоя: велие благочестие, смиренномудрие, милосердие,

истинная матерняя любви ко всем, поющим о тебе Богу: Аллилуиа.

## **Икос 6**

Возсия свет Христов в чадах твоих, благоверная царице, яже тобою научены быша житию добродетельному и тобою же укрепляемы путь скорбный благочестно проидоша, и тако угодиша Господеви. Мы же, сия поминающе, молим тя, святая Александро, просвети наши сердца, мраком житейских попечений омраченныя, озари лучами добродетелей твоих всех, любящих тя и молитвенно к тебе ныне взывающих:

Радуйся, с государем во всяком благочестии и чистоте пожившая.

Радуйся, чад твоих в вере и благочестии воспитавшая.

Радуйся, молитве и смирению их научившая.

Радуйся, к подвигу мученическому их предуготовившая.

Радуйся, супругов в любви и единомыслии сохраняющая.

Радуйся, дев и юношей в целомудрии утверждающая.

Радуйся, обычаев душевных отвращающая нас подвижающая.

Радуйся, нравы добрыя и благочестие в нас насаждающая.

Радуйся, святая новомученице, царице  
Алексадро, молитвеннице о душах наших.

### **Кондак 7**

Хотящим нам славить подвиги и чудеса твоя,  
святая царице-мученице Алексадро Новая,  
помози свыше данною ти благодатию сердца  
наша от греховных помышлений очистити, да  
достойно и неосужденно прославим тя, о тебе  
воспевая Христу Богу нашему: Аллилуиа.

### **Икос 7**

Новую и дивную заступницу дарова тя Господь  
всем христианам, ибо ты, преславная  
чудотворице, благодать великую пряла еси от  
Бога Вышняго, яко пришедшая от скорби  
велией и убелившая в крови Агнчей ризы своя.  
Ныне же отраду и утешение даруеши всем, с  
верою имя твое призывающим, и подвизаеши  
нас евангельски славословити святую память  
твою:

Радуйся, нищетою духовною царствие небесное  
обретшая.

Радуйся, от плача многого к утешению вечному  
востекшая.

Радуйся, духом кротости землю обетования  
наследовавшая.

Радуйся, жажду правды в селениях небесных  
утолившая.

Радуйся, милостивая, и иным милости от Бога источающая.

Радуйся, чистая сердцем, во славе Творца созерцающая.

Радуйся, гонения и клеветы Христа ради претерпевшая.

Радуйся, мзду многую на небесех от Господа получившая.

Радуйся, святая новомученице, царице Александро, молитвеннице о душах наших.

### **Кондак 8**

Странно бысть маловерным людем российстим чудное житие твое, яко не о славе земной, но о Бозе помышляла еси и заповеди Его с любовью творила еси, сего ради и ополчися на тя враг рода человеческого со приспешники своими, кии паче иных на тя клеветаху и поношаху имя твое честное, ты же по заповеди Христовой за злохулителей своих молилася еси Господеви, песнопоя Ему: Аллилуиа.

### **Икос 8**

Всею душею возлюбила еси народ от Бога ти врученный и во дни испытания военного купно со дщери твоими Ольгою и Татианою усердно трудилася еси во врачебнице, воинов раны целяше, не щадила бо еси естества твоего и в немощи телесной силу велию духовную явила

еси, служа всем со смирением и любовью. Тем же и нас, грешных, твоею молитвою исцели и буди нам ко спасению управительнице, да благодарственно воспоем ти:

Радуйся, ближняя твоя искренне возлюбившая.

Радуйся, спасению их душевному и исцелению телесному себя посвятившая.

Радуйся, воинам увечным любовью послужившая.

Радуйся, болезнующих грехми целительнице благоискусная.

Радуйся, недугов телесных врачевательнице богодарованная.

Радуйся, Бога и ближних люби нас научающая.

Радуйся, милосердие в сердцах наших пробуждающая.

Радуйся, страждущим служить нас подвизающая.

Радуйся, святая новомученице, царице Александро, молитвеннице о душах наших.

### **Кондак 9**

Всякие скорби и болезни со смирением и надеждою на Господа Иисуса Христа претерпела еси, царице Александро, егда волею злочестивых богоотступников странствие скорбное из града Петрова во град Тобольск совершила еси. Тем же просия победою вера твоя, яко за вся

благодарила еси Господа, не оставившего ни тя, ни супруга и чад твоих во дни испытаний твоих, и пение хвалебное возносила еси Вседержителю взывая: Аллилуиа.

## **Икос 9**

Витийския многовещания и риторские хитрости отвергнувши, искренним точною сердцем в песнях духовных величаем тя, заступницу нашу, благоверную царицу-мученицу Александру, восхваляем многотрудное житие твое, торжествуем славу твою и, поклоняющися святому образу твоему, умильно глаголем: Радуйся, многими добродетели путь свой к небеси уготовившая.

Радуйся, слезами, скорбми и покаянием стези твоя оросившая.

Радуйся, радости и славы святых достойная сонаследнице.

Радуйся, блаженства райского и света невечернего сопричастнице.

Радуйся, с высоты славы твоя к нам милостиво прикликающая.

Радуйся, нас, чад твоих, матерински посещающая.

Радуйся, о спасении нашем Спасителя умоляющая.

Радуйся, милость Богородицы к нам приклоняющая.

Радуйся, святая новомученице, царице  
Алексадро, молитвеннице о душах наших.

### **Кондак 10**

Спасительного подвига ищуще, святая  
страстотерпице царице Алексадро, взяла еси  
Крест Христов и Христу последовала еси,  
тесноты, лишения, осмеяния и иные  
злострадания терпела еси, на Бога уповая, веру  
бо и верность Ему даже до конца явила еси,  
песнопоя Господеви ангельскую песнь: Аллилуиа.

### **Икос 10**

Стена крепкая, козньми врага неодоленная,  
пребыла еси до конца, святая великомученице  
царице Алексадро, егда нечестивии  
богоотступники купно с супругом, чадами и  
слуги верными лютой смерти тя предаша. Мы  
же ублажаем мученическую кончину твою и  
почитаем тя, яко молитвенницу и ходатаицу не  
только за страну Российскую, но и за весь мир  
христианский, и любовь к тебе подвизаемы,  
таковыя похвалы приносим ти:

Радуйся, от рук злочестивых чашу смертную  
испившая.

Радуйся, за веру и правду Христову живот свой  
положившая.

Радуйся, крылами богомыслия сети вражия  
сокрушившая.

Радуйся, велию верою твоею страх смертный победившая.

Радуйся, верность Спасителю до конца сохранившая.

Радуйся, ум и сердце посреди мучения ко Господу устремившая.

Радуйся, кровию твоею торжество веры Христовой явившая.

Радуйся, в дому Отца Небеснаго обитель себе сотворившая.

Радуйся, святая новомученице, царице Алексадро, молитвеннице о душах наших.

### **Кондак 11**

Пение немолчно совершая, предстояще пред образом твоим, царице Алексадро, покаяния молитвы за безумие отцев наших приносим, слезно глаголя: «Господи, даруй им прощение молитвами венценосных мученик твоих», и на милосердие Отца Небесного уповая, сокрушенно поем: Аллилуиа.

### **Икос 11**

Светлостью подвигов Богоприятных просияла еси, святая мати Алексадро, и восприяла еси благодать молиться за ны, вспомоществуя верным в подвиге спасения, яко сосуд избранный благодати Божия. Ныне же купно с преподобномученицею Елизаветою, сестрою

твоею, государем и чадами и всеми  
новомученники российскими ходатайствуеши о  
нас пред престолом Царя Царствующих. Мы же  
вся сия поминаючи, таковыя похвалы тебе,  
царице Александро, приносим  
Радуйся, к сонму новомученников российских  
сопричтенная.

Радуйся, благоверных княгинь земли Русская  
сонаследнице.

Радуйся, яко тобою ум наш в Богомыслии  
научается.

Радуйся, яко тобою мрак неведения  
прогоняется.

Радуйся, из пучин отчаяния нас изводящая.

Радуйся, от искушений и соблазнов  
избавляющая.

Радуйся, любити Бога и творити волю Его нас  
наставляющая.

Радуйся, милосердие Божие к нам  
приклоняющая.

Радуйся, святая новомученице, царице  
Алексадро, молитвеннице о душах наших

## **Кондак 12**

Благодать и велие дерзновение твое пред Богом  
ведуще тебе, святая и преславная царице  
Алексадро, молим ти ся: молися о нас ко  
Господу, да избавит ны от всяких бед и  
напастей и сохранит и утвердит ны во святей

вере Христовой, во всяком благочестии и чистоте, да тихое и безмолвное житие поживем и поем тобою нам благодееющему Богу: Аллилуиа.

## **Икос 12**

Поюще Богу песнь благодарения, радуемся о тебе, святая мати наша, богоблаженная царице Алексадро, яко вся полезная нам даруеши, тобою бо пагуба отгоняется, здравие улучается, мир и благоустройство водворяется; понеже бо на небесех присно ходатайствуеши о нас, взывающих ти сице:

Радуйся, с воинством мученическим Творцу хвалу воспевающая.

Радуйся, о спасении державы российстей Господа умоляющая.

Радуйся, о мире всего мира ко Христу молитвы возносящая.

Радуйся, от заблуждений духовных нас исцеляющая.

Радуйся, от путей погибельных нас удаляющая.

Радуйся, к покаянию всех нас ныне призывающая.

Радуйся, от плевел ненависти сердца наша очищающая.

Радуйся, светом любви нелицемерная нас озаряющая.

Радуйся, святая новомученице, царице

Алексадро, молитвеннице о душах наших

## **Кондак 13**

О преславная страстотерпице, боговенчанная царице Александро, прими благоутробно сие малое моление наше, и твоим сильным и благоприятным пред Богом ходатайством, избави нас от враг видимых и невидимых, от всякия скорби и напасти, от внезапныя смерти и вечныя муки, да сподобимся с тобою, царем-страстотерпцем и всеми новомученники российскими во веки воспевати Богу Спасителю нашему благодарственную песнь: Аллилуиа. Аллилуиа. Аллилуиа.

## **Молитва первая**

О преславная страстотерпице, боговенчанная царице Александро Новая, скорая наша помощнице и заступнице и неустанная о нас молитвеннице.

Предстояще пред образом святым твоим и ты, яко живу сущу, зряще, припадающе, молим тя: приими прошения наша и вознеси их ко Престолу милосерднаго Отца Небеснаго, яко велие и преславное дерзновение к Нему имущая; испроси всем, притекающим к тебе, и всем, чтущим святую память твою - вечное спасение и временное благодействие, от всяких бед и скорбей - скорое избавление. Ей, чадолюбивая мати наша и царице, тебе, предстоящей

Престолу Божию ведомы нужды наша, духовныя и житейския, призри на нас материнским твоим оком, и твоими молитвами отврати от нас колебания всяким ветром учения, злых и богопротивных обычаев умножение; утверди же во всех веры согласное ведение, взаимную любовь и единомыслие; да всем: словесы, писании и дела славится посреди нас Всесвятое имя Отца, и Сына, и святого Духа, Единого Бога, в Троице славимаго и поклоняемаго, Ему же честь и слава во веки веков. Аминь.

### **Молитва вторая**

О святая царице-мученице Александро Новая, милостивая сирых заступнице, крестоносная мати, щедрою твоею десницею озари и нас, тебе ныне молящихся и испроси у Всещедрого и Премилостиваго Бога, Ему же имя есть Любовь, богатыя милости и буди: во браце сущим - чистоты и любве святая хранительнице; чад малых и юности - мудрая окормительнице; сирых и скорбных – благая и мудрая утешительнице; грехи обуреваемых сострадательная врачевнице; от врагов искушаемых - крепкая защитнице; и всем твоего заступления просящим - милостивая пред Богом и Царицею Небесною ходатаице; наипаче же умоли, святая мати наша и царице, даровати

нам благодать Всесвятаго Духа; да ею в житии сем охраняемы и спасаемы, с тобою сподобимся во веки прославляти Господа и Спаса нашего Иисуса Христа, Емуже слава подобает со Всеблагим Его Отцем и Святым Прещедрым Духом во веки веков. Аминь.



**ПОЛНЫЙ  
АКАФИСТНИК  
КАНОНИЧЕСКИЙ**

**АКАФИСТЫ  
КО ГОСПОДУ БОГУ  
ПРЕСВЯТОЙ  
БОГОРОДНИЦЕ  
АРХАНГЕЛАМ  
И АНГЕЛАМ**

**I**

**НЮКЕ  
\*НЕБО**